

Na osnovu člana 57. Zakona o zaštiti ličnih podataka („Službeni glasnik BiH“, broj: 12/25) i člana 24. Pravilnika o sistemu videonadzora u Ministarstvu saobraćaja Kantona Sarajevo (“Službene novine Kantona Sarajevo”, broj: 19/26), ministar saobraćaja Kantona Sarajevo donosi

ODLUKU
O USPOSTAVLJANJU SISTEMA VIDEONADZORA NA STAJALIŠTIMA JAVNOG GRADSKOG PREVOZA

Član 1.
(Predmet i sadržaj Odluke)

- (1) Ovom odlukom uspostavlja se videonadzor na stajalištima javnog gradskog prevoza, te položaj i opseg snimanja na stajalištima javnog gradskog prevoza.
- (2) Pitanja koja se odnose na način uspostavljanja, korištenja i upravljanja sistemom videonadzora, svrha obrade ličnih podataka, način pristupa snimcima, rokovi čuvanja snimaka, zaštita podataka, evidencija pristupa, dostavljanje snimaka nadležnim organima i druga pitanja značajna za zakonitu obradu ličnih podataka uređena su Pravilnikom o sistemu videonadzora u Ministarstvu saobraćaja Kantona Sarajevo.

Član 2.
(Položaj i opseg snimanja na stajalištima javnog gradskog prevoza)

- (1) Videonadzor se vrši na stajalištima Otoka A i Nedžarići B.
- (2) Videonadzor je postavljen na adekvatna mjesta na stajalištima iz stava (1) ovog člana, a na temelju organizacijskih i sigurnosnih potreba, te tehničkih mogućnosti.
- (3) Sistem videonadzora po stajalištu obuhvata tri kamere postavljene na nadstrešnice, a pozicionirane su tako da opseg snimanja obuhvata zonu ulaza i izlaza sa stajališta, kartomate, elektro-ormare, nadzor zone za čekanje i zone ulaza/izlaza iz vozila.
- (4) Snimanje se vrši neprekidno (24/7).
- (5) Video-zapis se vrši bez audio-zapisa, uz obavezan prikaz datuma i vremena na snimku.
- (6) Arhiviranje snimaka vrši se pohranjivanjem podataka na centralni server.

Član 3.
(Stupanje na snagu)

Odluka stupa na snagu danom donošenja.

Broj: 04-04-27049/26
Sarajevo, 18. 05. .2026.godine



MINISTAR

Član Šteta